



BORRADOR DA ACTA DA SESIÓN DO PLENO DO CONCELLO DE SALCEDA DE CASELAS (PONTEVEDRA) ,Nº 3/2015 (MANDATO 2015-2019), DE CARÁCTER EXTRAORDINARIO , CELEBRADA O 13 DE XULLO DE 2015.

En Salceda de Caselas, a 13 de xullo de 2015

**ASISTENTES**

**Presidente**

Sr. Alcalde, Marcos David Besada Pérez (MS)

**Concelleiros/as**

**Grupo municipal do Partido Popular**

GONZÁLEZ RODRÍGUEZ, Mirian (PP)  
GONZÁLEZ SOUTO, Primitivo (PP)

NÚÑEZ TRONCOSO, Joaquín (PP)

RODRÍGUEZ DAVILA, Santiago (PP)  
VALCÁRCEL BERNÁRDEZ, Ángela (PP)

**Grupo municipal de Movemento Salceda**

PÉREZ PÉREZ, Carla María (MS)  
CASTIÑEIRA ALÉN, María Dolores (MS)  
GONZÁLEZ RODRÍGUEZ, José Luis (MS)  
LORENZO GONZÁLEZ, Cándido (MS)  
PÉREZ GONZÁLEZ, María Teresa (MS)

**Grupo municipal do PSdeG-PSOE**  
TOURÓN DOMÍNGUEZ, Verónica (PsdeG-PSOE)

**Interventor do Concello**  
NON ASISTE

**Secretario do Concello**  
Carlos López Quintáns



**HORA DE INICIO:** 21:04

**HORA DE REMATE:** 22:25

Na Sala de sesións do Concello, sendo as 21:04 horas, tras convocatoria efectuada polo Señor Alcalde mediante decreto nº 291/2015 de 9 de xullo de 2015, reúnense en sesión extraordinaria, e en primeira convocatoria, os/as señores/as corporativos/as expresados/as con anterioridade, baixo a presidencia do Señor Alcalde, Marcos David Besada Pérez, quen procede a abrir o acto, unha vez comprobada polo Secretario a existencia do quórum necesario para a válida constitución do órgano, para deliberar , no seu caso, e adoptar os correspondentes acordos sobre asuntos incluídos na seguinte





## ORDE DO DÍA

- 1- Dación de conta do escrito de renuncia a súa condición de concelleiro presentado por D. Rodrigo Martínez González.
- 2.-Proposta de acordos plenarios referentes a retribucións de cargos con adicación exclusiva e parcial e réxime de adicación destes últimos.
- 3.-Proposta de modificación da plantilla e do anexo de persoal do orzamento xeral do Concello para 2015 (prorrogado de 2014), referente ao persoal eventual.

## INICIO DA SESIÓN

### **1.- DACIÓN DE CONTA DO ESCRITO DE RENUNCIA A SÚA CONDICIÓN DE CONCELLEIRO PRESENTADO POR D. RODRIGO MARTÍNEZ GONZÁLEZ.**

O sr. Besada Pérez di que este pleno convocouse co obxecto de dar conta do escrito presentado por Rodrigo Martínez de renuncia a súa condición de concelleiro; e que deben dar conta no Pleno da renuncia no prazo de dez días naturais ao que están obrigados por lei.

Dá lectura do escrito de renuncia formulado por D. Rodrigo. O escrito foi presentado por rexistro en data de 3 de xullo de 2015 (r.e. 4059).

Queda dada conta.

### **2.- PROPOSTA DE ACORDOS PLENARIOS REFERENTES A RETRIBUCIÓNNS DE CARGOS CON ADICACIÓN EXCLUSIVA E PARCIAL E RÉXIME DE ADICACIÓN DESTES ÚLTIMOS.**

O sr. Alcalde, Besada Pérez, explica que traen este punto dentro do prazo que a lei marca, que é nos 30 días hábiles posteriores á toma de posesión, a contar dende a sesión constitutiva do 13 de xuño. Di que no pleno organizativo a proposta quedou enriba da mesa e agora atópanse nunha situación de interinidad. Di que por Decreto de Alcaldía delegou responsabilidades pero os concelleiros nos que as delegou atópanse nunha situación ficticia porque áinda non teñen adicacións. Di que se comprometeron a estudar as propostas, e propoñen unha redución. Dá lectura da seguinte proposta de acordo de data 8 de xullo de 2015:

#### "PROPOSTA DA ALCALDÍA AO PLENO"

**Asunto: Retribucións de cargos con adicación exclusiva e parcial e réxime de adicación destes últimos.**

Visto o artigo 75 da Lei 7/1985, de 2 de abril, reguladora das bases do réxime local (LRBRL en adiante), segundo o cal

"1. Los miembros de las Corporaciones locales percibirán retribuciones por el ejercicio de sus cargos cuando los desempeñen con dedicación exclusiva, en cuyo caso serán dados de alta en el Régimen general de la Seguridad Social, asumiendo las Corporaciones el pago de las cuotas empresariales que corresponda, salvo lo dispuesto en el artículo anterior.



En el supuesto de tales retribuciones, su percepción será incompatible con la de otras retribuciones con cargo a los presupuestos de las Administraciones públicas y de los entes, organismos o empresas de ellas dependientes, así como para el desarrollo de otras actividades, todo ello en los términos de la Ley 53/1984, de 26 de diciembre, de Incompatibilidades del Personal al Servicio de las Administraciones Pùblicas.

2. Los miembros de las Corporaciones locales que desempeñen sus cargos con dedicación parcial por realizar funciones de presidencia, vicepresidencia u ostentar delegaciones, o desarrollar responsabilidades que así lo requieran, percibirán retribuciones por el tiempo de dedicación efectiva a las mismas, en cuyo caso serán igualmente dados de alta en el Régimen General de la Seguridad Social en tal concepto, asumiendo las Corporaciones las cuotas empresariales que corresponda salvo lo dispuesto en el artículo anterior. Dichas retribuciones no podrán superar en ningún caso los límites que se fijen en su caso, en las Leyes de Presupuestos Generales del Estado. En los acuerdos plenarios de determinación de los cargos que lleven aparejada esta dedicación parcial y de las retribuciones de los mismos, se deberá contener el régimen de la dedicación mínima necesaria para la percepción de dichas retribuciones.

Los miembros de las Corporaciones locales que sean personal de las Administraciones públicas y de los entes, organismos y empresas de ellas dependientes solamente podrán percibir retribuciones por su dedicación parcial a sus funciones fuera de su jornada en sus respectivos centros de trabajo, en los términos señalados en el artículo 5 de la Ley 53/1984, de 26 de diciembre, sin perjuicio de lo dispuesto en el apartado sexto del presente artículo.

3. Sólo los miembros de la Corporación que no tengan dedicación exclusiva ni dedicación parcial percibirán asistencias por la concurrencia efectiva a las sesiones de los órganos colegiados de la Corporación de que formen parte, en la cuantía señalada por el pleno de la misma.

4. Los miembros de las Corporaciones locales percibirán indemnizaciones por los gastos efectivos ocasionados en el ejercicio de su cargo, según las normas de aplicación general en las Administraciones públicas y las que en desarrollo de las mismas apruebe el pleno corporativo.

5. Las Corporaciones locales consignarán en sus presupuestos las retribuciones, indemnizaciones y asistencias a que se hace referencia en los cuatro números anteriores, dentro de los límites que con carácter general se establezcan, en su caso. Deberán publicarse íntegramente en el Boletín Oficial de la Provincia y fijarse en el tablón de anuncios de la Corporación los acuerdos plenarios referentes a retribuciones de los cargos con dedicación exclusiva y parcial y régimen de dedicación de estos últimos, indemnizaciones y asistencias, así como los acuerdos del Presidente de la Corporación determinando los miembros de la misma que realizarán sus funciones en régimen de dedicación exclusiva o parcial.(...)"

Considerando o artigo 75 bis da LRBRL segundo o cal:

1. Los miembros de las Corporaciones Locales serán retribuidos por el ejercicio de su cargo en los términos establecidos en el artículo anterior. **Los Presupuestos Generales del Estado determinarán, anualmente, el límite máximo total que pueden percibir los miembros de las Corporaciones Locales por todos los conceptos retributivos y asistencias, excluidos los trienios a los que en su caso tengan derecho aquellos funcionarios de carrera que se encuentren en situación de servicios especiales, atendiendo entre otros criterios a la naturaleza de la Corporación local y a su población según la siguiente tabla (...)**

3. Solo los miembros de la Corporación que no tengan dedicación exclusiva ni dedicación parcial percibirán asistencias por la concurrencia efectiva a las sesiones de los órganos colegiados de la Corporación de que formen parte, en la cuantía señalada por el Pleno de la misma.

4. En el marco de lo establecido en la Ley Orgánica 2/2012, de 27 de abril, de Estabilidad Presupuestaria y Sostenibilidad Financiera, y en el artículo 93.2 de esta Ley, las Leyes anuales de Presupuestos Generales del Estado podrán establecer un límite máximo y mínimo total que por todos los conceptos retributivos pueda percibir el personal al servicio de las Entidades Locales y entidades de ellas dependientes en función del grupo profesional de los funcionarios públicos o equivalente del personal laboral, así como de otros factores que se puedan determinar en las Leyes de Presupuestos Generales del Estado de cada año."

Considerando o disposto pola disposición adicional nonaséxtima da Lei 22/2013, de 23 de decembro, de orzamentos xerais do Estado para o ano 2014 e que resulta aplicable:



"De conformidad con lo previsto en el artículo 75 bis de la Ley 7/1985, de 2 de abril, reguladora de las Bases del Régimen Local, según la redacción dada por la Ley 27/2013, de 27 de diciembre, de racionalización y sostenibilidad de la Administración Local, y considerando lo dispuesto en el artículo 22 de la presente ley, el límite máximo total que pueden percibir los miembros de las Corporaciones Locales por todos los conceptos retributivos y asistencias, excluidos los trienios a los que, en su caso, tengan derecho aquellos funcionarios de carrera que se encuentren en situación de servicios especiales, será el que se recoge a continuación, atendiendo a su población: (...)

Considerando que para un municipio comprendido entre 5.000 e 10.000 habitantes o límite son 45.000 euros anuais.

Considerando o disposto polo artigo 75 ter da LRBRL que establece os límites no número de cargos públicos das entidades locais con adicación exclusiva, fixándose que para os Concellos de municipios con poboación comprendida entre 3.001 e 10.000 habitantes, os membros que poderán prestar os seus servizos en réxime de adicación exclusiva non excederá de tres.

Considerando o equipo de goberno a necesidade de determinar a adicación exclusiva ou parcial dalgúns/nhas dos/as seus membros aos efectos da correcta realización das súas tarefas de dirección política do Concello, por elo, propón ao Pleno do Concello de Salceda de Caselas que, en uso da atribución propia (art. 22.2 q) da Lei 7/1985, de 2 de abril, reguladora das bases do réxime local (LRBRL en adiante), en relación co art 75 da LRBRL, previa a preceptiva fiscalización da Intervención do Concello, adopte os seguintes

#### ACORDOS:

1) Determinar a adicación exclusiva en relación aos seguintes cargos de goberno do Concello de Salceda de Caselas, coas retribucións que se indican:

-Alcaldía/Coordinación de proxectos e urbanismo: Retribucións mensuais brutas de 3.000 € en 12 pagas e dúas extraordinarias en xuño e decembro (Total anual: 42.000 € + seguridade social a cargo do Concello, estimada en 1.173,76 €/mes, 14.085,12 €/ano; Total global: 56.085,12 €/ano).

-Concellaría de réxime interior, economía, facenda, seguridade, tráfico e persoal: Retribucións mensuais brutas de 2.200 € en 12 pagas e dúas extraordinarias en xuño e decembro (Total anual: 30.800 € + seguridade social a cargo do Concello, estimada en 873,43 €/mes, 10.481,16 €/ano; Total global: 41.281,16 €/ano).

-Concellaría de benestar social e igualdade, cultura, festexos, normalización lingüística e ensino: Retribucións mensuais brutas de 1.850 € en 12 pagas e dúas extraordinarias en xuño e decembro (Total anual: 25.900€ + seguridade social a cargo do Concello, estimada en 740,52 €/mes, 8.886,24€/ano; Total global: 34.786,24 €/ano).

2) Determinar a adicación parcial (cun réxime equivalente a seis horas diarias de xornada de traballo, cuxo cumprimento deberá ser obxecto de control polos medios que determine a Alcaldía) en relación ao seguintes cargo de goberno do Concello de Salceda de Caselas, coas retribucións que se indican:

-Concellaría de formación, emprego, turismo, comercio, consumo, sanidade, parques e xardíns: Retribucións mensuais brutas de 1.500 € en 12 pagas e dúas extraordinarias en xuño e decembro (Total: 21.000 € + seguridade social a cargo do Concello, estimada en 607,61 €/mes, 7.291,32 €/ano; Total global: 28.291,32 €/ano).

3) Determinar a adicación parcial (cun réxime equivalente a seis horas diarias de xornada de traballo, cuxo cumprimento deberá ser obxecto de control polos medios que determine a Alcaldía) en relación ao seguintes cargo de goberno do Concello de Salceda de Caselas, coas retribucións que se indican:

-Concellaría de medio ambiente, deportes, xuventude, voluntariado, participación cidadá e novas tecnoloxías:



-Retribucións mensuais brutas de 1.600 € en 12 pagas e dúas extraordinarias en xuño e decembro (Total: 21.000 € + seguridade social a cargo do Concello, estimada en 607,61 €/mes, 7.291,32 €/ano; Total global: 28.291,32 €/ano).

4) Remitir a fixación de asistencias indicadas no artigo 75.3 e .4 LRBRL, aos acordos de aprobación das bases de execución do orzamento xeral do Concello vixente para cada exercicio.

5) Suprimir nas indemnizacións contempladas na Base 35.1.c das Bases de Execución do Orzamento vixente a

"A indemnización por adicación e asistencia para o desempeño das súas funcións e responsabilidades asumidas na cantidade de 50€ por asistencia establecéndose un límite de 10 asistencias ao mes."

6) De acordo co establecido no artigo 75.5 LRBRL, o Alcalde-Presidente determinará os/as membros da Corporación que realizarán as súas funcións en réxime de adicación exclusiva ou parcial, ocupando as concellarías para as cales o Pleno establece, mediante este acordo, tales adicacións.

7) Publicarse íntegramente no Boletín Oficial da Provincia e fixar no taboleiro de anuncios da Corporación os acordos plenarios referentes a retribucións dos cargos con adicación exclusiva e parcial e réxime de adicación destos últimos, indemnizacións e asistencias, así coma os acordos do Alcalde determinando os/as membros da Corporación misma que realizarán as súas funcións en réxime de adicación exclusiva ou parcial."

O sr. Alcalde continúa a súa intervención sinalando que houbo un erro na proposta no que se refire á Concellería de medio ambiente, que lle apunta o Secretario que hai un erro na proposta porque son 1.500 euros e non 1.600 euros que é a cantidade que erroneamente se puxo mal na proposta. Di que resumindo o goberno municipal propón reducir as retribucións cunha baixada do 14,4% respecto á anterior lexislatura. Di que se reduce o soldo do Alcalde nun 3,3% e si fai unha comparativa co que cobraba o Alcalde anterior no 2007 supón unha baixada do 18%. Di que con respecto á anterior lexislatura se reducen as asesorías e pasan de catro a tres adicacións exclusivas. Di que a proposta respeta os principios de remuneración adecuada co obxecto de garantir unha xestión eficaz coa finalidade de facer realidade as propostas presentadas por Movemento Salceda e coas que se comprometeron cos veciños. Di que as áreas que na anterior lexislatura tiña o PSOE agora redistribúen entre os concelleiros do grupo de goberno, o que implicará maior labor e adicación.

O sr. Rodríguez Davila, voceiro do Grupo Municipal do Partido Popular, di que o que pretende o goberno municipal é moi triste. Di que lle parece increíble e repróchalle ao sr. Alcalde que veña ao pleno en plan chulesco e burla, con cara, porque non fixo caso do que o pleno lle propuxo de redución de salarios. Pregúntalle ao sr. Alcalde en que norma se indica que en 30 días o Pleno teña que aprobar as retribucións dos sres. concelleiros, pregúntalle en que artigo está eso porque si se refire ao ROF no artigo 38 non se di eso. Dá lectura do artigo e indica que o que se recolle no mesmo é o que se aprobou no pleno anterior. Di que no artigo nada se di sobre as retribucións dos concelleiros. Expresa que o sr. Alcalde está aproveitando a falta dun concelleiro para que cun sentido ditatorial co voto de calidade saque as adicacións. Dille que ten a osadía de impedir que o concelleiro poidera vir e intervir na sesión porque non colocou o punto da renuncia como último punto da orde do día como se fixo noutros plenos, senón como primeiro.

Di que polas formas do Alcalde lle queda grande chamarlle sr. Dille que é indigno que sigan sentados nos sillóns porque non deixan que o pobo maioritariamente poida decidir sobre as retribucións porque falta un concelleiro e repróchalle que teña tanta présa en traello a Pleno, cando o podía convocar más tarde como xa fixeron noutras ocasións. Di que lles parece unha acción antidemocrática e impositiva, unha acción alegal que fan que pareza legal. Di que o pleno democraticamente elixido debería decidir e o están impedindo de consumirse esta proposta hoxe; cando están sentados no sillón e se rin pola calada, agachan a cabeza ou xogan ao móbil.



Di que xa ninguén se cre o que fai ou di o Alcalde, di que é de cobardía política o que hoxe pretenden facer. Di que pedirán nos próximos días un informe ao Secretario Municipal para que lles diga si o acordo que vai tomar o Pleno co voto de calidade do Alcalde cumpre os requisitos legais e de conformidade coa xurisprudencia que despois dirá.

Dille ao sr. Alcalde que o anuncio de que reduce os custes faino cunha comparación interesada pero sen embargo non fala dos custos totais e do aumento da porcentaxe con respecto ao anterior goberno. Di que o anterior goberno do PP maioritario na Corporación costaba aos veciños en torno a 90.000 euros en torno a retribucións, e agora preténdense máis de 208.000 euros, multiplicando por máis de dous o custo anual dun goberno ás arcas municipais. Di que neste goberno se reduce un 3% o sr. Alcalde con respecto ás anteriores propostas e ás mulleres máis dun 6%, cando predican tanto coas igualdades.

Di que é importante analizar o custo que lle suporá o goberno en minoría ás arcas municipais. Dá as cifras dos custos de gobernos municipais de concellos como Baiona, Mos, Tomiño, Silleda, Ponteareas, Salvaterra, O Rosal e Tui; indica o que custa o goberno municipal por veciño, e afirma que o de Salceda custa 25 euros por veciño. Explica á porcentaxe que representa respecto do orzamento tamén en cifras comparativas co que representan os demais concellos, e indica que Salceda representa máis dun 5% sobre o orzamento. Di que o sr. Alcalde pretende saquear de novo as arcas públicas despois de facer unha xestión desastrosa, como na débeda que teñen ou os pagos pendentes a provedores. Di que están en contra da proposta.

**A sra. Tourón Domínguez, voceira do Grupo Municipal do PSdeG-PSOE,** pregúntalle ao sr. Secretario sobre o erro existente na proposta de Alcaldía que antes se dixo, que ademais se contradice co que indica o informe de intervención, e manifesta que o Secretario a informou xusto ao comezo da sesión que eso podía dar lugar a unha votación sobre si se leva a proposta ou non.

**O sr. Secretario** di que a proposta a redactou el e debeu ser un erro dun copia e pega porque cando lle deron os datos si que figuraban 1.500 euros.

**A sra. Tourón Domínguez** agradece a contestación e pide que os concelleiros polo menos lean as propostas antes de ir a Pleno, e pregunta si só as len as concelleiras do partido socialista.

**O sr. Besada Pérez** di que sabe o Secretario que esa corrección se lle fixo pola mañá.

**A sra. Tourón Domínguez** di que o Secretario non lle dixo nada diso pero que non quere meter en apuros ao Secretario. Continúa reivindicando que a ela tamén se lle poña o micro en fronte como teñen os outros portavoces porque cóstalle que a ela se lle escoite, que é o que lle dicía a xente na outra sesión. En canto ás retribucións e adicacións indica que as propostas do PSdeG son de 1.600 euros adicacións exclusivas por 8 horas e 1.000 euros por adicacións parciais de 4 horas, e engade que ao sr. Alcalde lle parecían ben esas retribucións para o PSdeG pero non lle valen para os seus concelleiros.

-Sendo as 21:30 horas FAISE UNHA PEQUENA INTERRUCIÓN PORQUE DENDE O SALÓN DE PLENOS OBSERVAN UN PEQUENO INCENDIO NUNHA VIVENDA PRÓXIMA AO CONCELLO.-

**O sr. Alcalde** comunica que xa vén o 112 que xa alguén avisou.

**A sra. Tourón Domínguez** continúa a súa intervención sinalando que durante catro anos a concelleira Marina Cabaleiro cobrou 1.600 euros brutos e ela 1.000 euros brutos e ningunha botou a man á caixa como dicía o sr. Alcalde no Pleno anterior, que con soldos así despois á xente lle dá por botar man á caixa. Di que lle parece vergoñento dicir eso cando existen persoas que cobran 800 euros ou mesmo só 400 euros e pico de axudas e non boten a man á caixa. Di que hai moita xente cobrando menos e que non mete a man á caixa.





Sinala que o que pasa na sesión de hoxe é que o sr. Alcalde se aproveita dunha situación que lle aseguraba aprobar os soldos hoxe porque tamén tiña outras outras opcións como que non tiña que poñer como primeiro punto da orde do día o punto da renuncia, como se fixo noutros plenos nos que figuraba ao final da orde do día. Di que se lle quitou de antemán ao concelleiro renunciante a opción de participar e votar no Pleno. Sinala que a outra posibilidade era que podía levar hoxe a renuncia e unha vez se emitise a credencial do novo concelleiro convocar o pleno dos soldos, e tampouco a fixo.

Manifesta que o que se fai hoxe a lei o permite pero alónxase do proceder democrático do que alardea o sr. Alcalde. Dille que se rirá da vontade dos veciños nas urnas que lle deron ao PSOE dous concelleiros e hoxe está un só. Pregúntalle ao sr. Alcalde si era iso o que propuña para chegar a acordos ou pactos de goberno con en teoría o seu socio preferente. Dille que con esto demostra que si as cousas se fan a súa vontade si, e do contrario non. Continúa indicándolle ao sr. Alcalde que non poderá dicir que goberna cuns soldos avalados pola maioría dos veciños de Salceda, senón por unha minoría. Dille que rematou o pleno de investidura cunha frase "Marcos ti escoita a xente pero fai o que che diga a túa cabeza", e efectivamente o sr. Alcalde escoita a todo o mundo pero fai o que lle dá a gana.

**O sr. González Rodríguez, voceiro do Grupo Municipal de Movemento Salceda,** sinala que como xa expuxo no anterior pleno con respecto aos argumentos da proposta que deu no seu momento, pouco más que engadir. Di que nas eleccións os veciños de Salceda siguiron apostando por un modelo de xestión coa idea de dar un xiro á política que se viña facendo antes, na que os veciños non estaban atendidos ou non se lles prestaba a atención suficiente. Di que en Salceda a poboación non diminuiu e con elo os servizos.

Di que as urnas falaron e o custo do equipo de goberno a xente o sabía sin que o escondesen en ningún momento. Di que con independencia de comparativas con outros concellos que non teñen sentido, hai moitas variables, porque tamén poden disfrazar os custos do equipo de goberno coa periodicidade das sesións de órganos colexiados e cos importes de asistencias. Di que esas formas enmascaran o custo real que conleva o equipo de goberno.

Indica que xa no anterior pleno propuñan unha baixada do 8,8% e agora un 6% máis, o que supón unha baixada en torno a 30.000 euros, sen que a carga de traballo se vexa mermada ao igual que a poboación. Di que o modelo de xestión é darlle o mellor servizo ao veciño moitas veces asumindo competencias que non lle son propias. Di que as urnas falaron e non aceptaron o planteamento de xestión que propuña o PP. Di que o programa do PP é contraditorio porque propuñan unha baixada do 25% e agora como non gañaron as eleccións propoñen un 35%. Di que lle parece lóxico que ao asumir as áreas do PSOE teñan que asumir elles as tarefas e ao mesmo tempo as retribucións, que sumaban un total de 36.000 euros. Engade que agora ningunha das concellerías que farán esas tarefas os vai a cobrar. Di que lle parece unha proposta coherente.

**O sr. Rodríguez Davila pregúntalle** ao sr. González Rodríguez respecto a que os veciños antes non estaban atendidos, si se refire a que antes non facía falta cita ou que vivían aquí os concelleiros, ou ten que ver con non ter un cartel indicando os horarios de atención aos cidadáns. Dille que o programa do PP era moi claro porque hai que saber facer os números, e ainda sendo falso o que dixo, que se apliquen polo menos o 25% e xa están de acordo. Di que trae unha redución do 6% para as chicas e un 3% para os chicos. Pregúntalle si con respecto ás cantidades que se pagan noutros concellos por asistencias, fixo algún cálculo en proporción. Sinala que si a diferenza por un pleno fose en torno a 80 euros nalgún pleno límitrofe con periodicidade dun mes, si fan cálculos seguen cobrando máis; e son concellos con orzamentos de máis de 10 millóns de euros, e Salceda máis de 4 millóns falsos con previsións infladas que non se cumplen.






Manifesta que espera ver como rematan o ano despois da modificación orzamentaria con redución de gasto corrente das partidas do 2014 prorrogado para 2015, nos que sacaron desas partidas para gastalos en cacicadas cada día e graves, prometendo cousas aos veciños e deixando cousas sen pagar.

Di que as maneiras do Alcalde son autoritarias e antidemocráticas; que farán unha oposición contundente e que non descansarán ata velo canto antes fóra da Alcaldía do Concello de Salceda de Caselas porque non é digno de estar sentado no sillón de Alcaldía.

Dille ao sr. Alcalde que a lei di o que di pero que moitas veces acordan pospoñer os Plenos e non convocalo nos 10 días como di a lei, si houbese vontade de acordo, pero é algo que non quere. Di que hoxe pode ir pero o que ri último ri mellor. Engade que é triste que tente aprobar isto co voto de calidade do Alcalde porque non conta coa vontade maioritaria do pobo porque non están de acordo coas retribucións que unha minoría de concelleiros queren aprobar neste pleno; e será pleno si e pleno tamén a batalla que traeremos aquí para botarlle en cara o que pretenden aprobar agora.

Explica que a proposta do PP con respecto ao goberno en minoría era proporcionalmente acorde a si tiveran un goberno en maioría. Di que a proposta que fixeron no Pleno e tamén por rexistro é que o goberno en minoría tivese dúas adicacións exclusivas de 45.000 euros brutos o que fai un total de 90.000 euros e en vez de dúas adicacións completas podían repartilas en parciais e polo tanto poderían ter catro persoas ou o sr. Alcalde unha adicación maior e tres persoas cunha adicación menor, ademais dun cargo de confianza, do que incluíndo seguridade social serían 155.000 euros anuais. Di que iso suma o 25% da redución que plantean. Sinala que como no camiño terán tempo de ver si este pleno ten a potestade 100% legal de que se tome este acordo, presentarán un contencioso administrativo respecto do mesmo, porque non se cumple a vontade constitutiva do Pleno ao 100% nesta sesión.

Dille ao sr. Alcalde que como xa lle dixo nalgún pleno o que avisa non é traidor. Sinala que votarán en contra ante este saqueo das arcas municipais.



A sra. Tourón Domínguez di que o portavoz de Movemento Salceda fala da carga de traballo, e a cuestión é que en tempos de crise hai que priorizar, ser eficaz e eficiente, facer o que é prioritario, e o goberno debe adaptarse a esa prioridade. Di que prioridade é por exemplo adicarle tempo a benestar social, pero pregunta que se fixo en árees como parques e xardíns, novas tecnoloxías, sanidade... Di que o Alcalde sinala que se baixa o soldo, si, 100 euros. Di que para o PSOE un goberno que representa a 8.900 habitantes é de risa que se modifique unha proposta de acordo baixando 100 euros o Alcalde e os concelleiros. Dille que o fixo porque en ningún momento tivo vontade de negociar con ningún dos partidos da oposición porque quería quedar ben na prensa e sabía que iba levar como primeiro punto da orde do día a renuncia.

Manifesta que é suficiente coas retribucións que se lle dán ao sr. Alcalde e que sabe que fai falta xente a disposición dos veciños para facer cousas, pero sin ter xente cuns salarios desorbitados. Dá o exemplo de Tui, cunha adicación exclusiva do Alcalde e dúas parciais. Di que está cansada de escouitar que o PSOE cun concelleiro nas anteriores eleccións tiña 2 persoas, e explica que repartiron entre dúas persoas un soldo que por porcentaxes representaba o PSOE; e que non será sospitosa de querer unha cadeira de traballo porque senón estaría no goberno, cousa que non pode dicir o sr. Alcalde nin os seus compañeiros collendo camiños alegais e evitando o consenso. Di que vai facer unha petición e que espera que a toma de posesión do seguinte concelleiro socialista se faga no primeiro punto da orde do día do Pleno non vaia ser que o sr. Alcalde queira aprobar o PXOM e siga soa representando a vontade dos veciños.



O sr. González Rodríguez respónselle á sra. Tourón Domínguez que valorar por un concelleiro cales son as áreas prioritarias ou non o terán que dicir os veciños. Dille que as áreas que a sra. Tourón consideraba como prioritarias e tiñan un custo de 36.400 euros agora supoñen o mesmo traballo e terán que facelo igual con menos diñeiro. Con respecto á proposta do sr. Rodríguez Davila dille que non lle saen as contas dese 25% nin das débedas que di que ten o Concello. Dille que sumando ronda un 35% cando no programa electoral dicía un 25%. Di que Movemento Salceda votará favorablemente a proposta de acordo.

O sr. Rodríguez Davila pregúntalle ao sr. Alcalde como se fará o control horario da xente que teña adicación parcial e que horarios terán.

O sr. Besada Pérez responde que se articulará conforme á Lei e que todo o mundo sabe en Salceda que lle adican tempo.

Di que están obviando que houbo unhas eleccións que avalaron a uns e non a outros. Que no caso do PP perderon case 500 votos e repróchalle ao sr. Rodríguez Davila que non cambiase o discurso de ameazas e engano constante. Di que agora entende porque o pobo non o quere como Alcalde. Dille que si o pobo de Salceda non o quixese el presentaría a dimisión.

Manifesta que Rodrigo non estará no Pleno por vontade propia e lle recomenda a Verónica que primeiro arregle a súa casa e despois xa lle dará consellos. Di que si están nesa tesitura é responsabilidade do PSOE e di que é triste que non se fale dos problemas dos veciños. Indica que Rodrigo presentou a dimisión e que supón que non se lle culpará a el diso.

Dille á sra. Tourón Domínguez que non lle trasladou este discurso nas reunións que tiveron nin dixo nada durante 8 anos cun teito de gasto no que estaban de acordo, e que fai 4 anos foi unha esixencia do PSOE e no reparto que lle correspondía ao propio PSOE decidiron facer ese reparto dos 36.000 euros. Dille que non respeta a verdade.

Di que o pobo de Salceda avalou o teito de gasto e as adicacións que agora aproban. Di que respetan o espírito da redución e a necesidade de acabar coa situación de interinidad na que se atopan. Sinala que en canto ás leccións de homes e mulleres o PP estivo 32 anos e non tivo nin unha soa muller. Di que foi o primeiro Alcalde en ter unha muller no goberno municipal, varias dende o ano 2007. Di que si lles parece pasarán á votación. Di que agora non vai falar de acordos que había co PSOE nin do programa electoral do PP. Engade que el non é culpable de tentar chegar a acordos.

A sra. Tourón Domínguez di que lle parece vergonzoso que se fale dunha suposta decisión dunha agrupación socialista do pasado xoves. Di que ten persoas presentes que estaban alí, e que faltaría máis que o Alcalde de Salceda de Movemento Salceda tentase arranxar a casa do PSOE e dicir si se aprobou ou non unha decisión do PSOE. Di que o PSOE foi totalmente respetuoso das decisións que tomaron os concelleiros do BNG no seu día e pide un respeto.

Pregúntalle ao Alcalde sobre o que ela dicía das dúas posibilidades que tiña de meter no último punto da orde do día ou facer o pleno noutro día a posteriori, si o podía facer. Di que o concelleiro podería asistir ao Pleno si se presentase no último punto da orde do día do Pleno. Sinala que o sr. Alcalde debería buscar que se garantise a representatividade dos veciños porque a credencial lla darían nuns días e nesta semana poderían debatir os soldos. Di que a negociación do sr. Alcalde foi a presentación dunha nova proposta cunha baixada de 100 euros pero sin ningún intento de negociación.

O sr. Besada Pérez di que si Rodrigo non está non é por culpa del (Alcalde) e que o PSOE saberá porque. Dille á sra. Tourón Domínguez que sabe que si Rodrigo estivera aquí podería pedir o segundo antes da dación de conta dese punto número un, que pasara ao número tres, que lle pode preguntar ao Secretario. Di que o Pleno o fan dentro do prazo establecido de dez días para dar conta, que hoxe é o último día e que é lóxico que vaia no primeiro punto. Di que si Rodrigo asistise tería a oportunidade de votar. Pídelle que non intente enganar e tentar esconder a súa responsabilidade. Manifesta que cumple coa Lei.



Sométese polo Señor Alcalde, en votación ordinaria, a súa proposta a votación, preguntando os votos a favor, os votos en contra e indicando que non existen abstencións. Anúncia que queda aprobada pero o sr. Secretario indícale que teñen que votar unha segunda vez ao existir empate na votación con SEIS VOTOS A FAVOR DOS CONCELLEIROS DO GRUPO MUNICIPAL DE MOVEMENTO SALCEDA (BESADA PÉREZ, PÉREZ PÉREZ, CASTIÑEIRA ALÉN, GONZÁLEZ RODRÍGUEZ, LORENZO GONZÁLEZ, e PÉREZ GONZÁLEZ) E SEIS VOTOS EN CONTRA DOS CONCELLEIROS DOS GRUPOS MUNICIPAIS DO PARTIDO POPULAR e PsdeG-PSOE (GONZÁLEZ RODRÍGUEZ, GONZÁLEZ SOUTO, NÚÑEZ TRONCOSO, RODRÍGUEZ DAVILA, VALCÁRCEL BERNÁRDEZ e TOURÓN DOMÍNGUEZ).

Procédese a unha segunda votación de carácter ordinario, de conformidade co artigo 46.2 d) da Lei 7/85, de 2 de abril, reguladora das bases de réxime local. O sr. Alcalde pregunta os votos a favor da proposta, votos en contra e abstencións. Ao persistir o empate na votación con SEIS VOTOS A FAVOR DOS CONCELLEIROS DO GRUPO MUNICIPAL DE MOVEMENTO SALCEDA (BESADA PÉREZ, PÉREZ PÉREZ, CASTIÑEIRA ALÉN, GONZÁLEZ RODRÍGUEZ, LORENZO GONZÁLEZ, e PÉREZ GONZÁLEZ) E SEIS VOTOS EN CONTRA DOS CONCELLEIROS DOS GRUPOS MUNICIPAIS DO PARTIDO POPULAR e PsdeG-PSOE (GONZÁLEZ RODRÍGUEZ, GONZÁLEZ SOUTO, NÚÑEZ TRONCOSO, RODRÍGUEZ DAVILA, VALCÁRCEL BERNÁRDEZ e TOURÓN DOMÍNGUEZ), o sr. Alcalde anuncia que queda aprobada a proposta co voto de calidade de Alcaldía, adoptando os seguintes acordos:

**1)** Determinar a adicación exclusiva en relación aos seguintes cargos de governo do Concello de Salceda de Caselas, coas retribucións que se indican:

-Alcaldía/Coordinación de proxectos e urbanismo: Retribucións mensuais brutas de 3.000 € en 12 pagas e dúas extraordinarias en xuño e decembro (Total anual: 42.000 € + seguridade social a cargo do Concello, estimada en 1.173,76 €/mes, 14.085,12 €/ano; Total global: 56.085,12 €/ano).

-Concellaría de réxime interior, economía, facenda, seguridade, tráfico e persoal: Retribucións mensuais brutas de 2.200 € en 12 pagas e dúas extraordinarias en xuño e decembro (Total anual: 30.800 € + seguridade social a cargo do Concello, estimada en 873,43 €/mes, 10.481,16 €/ano; Total global: 41.281,16 €/ano).

-Concellaría de benestar social e igualdade, cultura, festexos, normalización lingüística e ensino: Retribucións mensuais brutas de 1.850 € en 12 pagas e dúas extraordinarias en xuño e decembro (Total anual: 25.900 € + seguridade social a cargo do Concello, estimada en 740,52 €/mes, 8.886,24 €/ano; Total global: 34.786,24 €/ano).

**2)** Determinar a adicación parcial (cun réxime equivalente a seis horas diarias de xornada de traballo, cuxo cumprimento deberá ser obxecto de control polos medios que determine a Alcaldía) en relación ao seguintes cargo de governo do Concello de Salceda de Caselas, coas retribucións que se indican:

-Concellaría de formación, emprego, turismo, comercio, consumo, sanidade, parques e xardíns: Retribucións mensuais brutas de 1.500 € en 12 pagas e dúas extraordinarias en xuño e decembro (Total: 21.000 € + seguridade social a cargo do Concello, estimada en 607,61 €/mes, 7.291,32 €/ano; Total global: 28.291,32 €/ano).

**3)** Determinar a adicación parcial (cun réxime equivalente a seis horas diarias de xornada de traballo, cuxo cumprimento deberá ser obxecto de control polos medios que determine a Alcaldía) en relación ao seguintes cargo de governo do Concello de Salceda de Caselas, coas retribucións que se indican:

-Concellaría de medio ambiente, deportes, xuventude, voluntariado, participación cidadá e novas tecnoloxías:



-Retribucións mensuais brutas de 1.500 € en 12 pagas e dúas extraordinarias en xuño e decembro (Total: 21.000 € + seguridade social a cargo do Concello, estimada en 607,61 €/mes, 7.291,32 €/ano; Total global: 28.291,32 €/ano).

4) Remitir a fixación de asistencias indicadas no artigo 75.3 e .4 LRBRL, aos acordos de aprobación das bases de execución do orzamento xeral do Concello vixente para cada exercicio.

5) Suprimir nas indemnizacións contempladas na Base 35.1.c das Bases de Execución do Orzamento vixente a

"A indemnización por adicación e asistencia para o desempeño das súas funcións e responsabilidades asumidas na cantidade de 50€ por asistencia establecéndose un límite de 10 asistencias ao mes."

6) De acordo co establecido no artigo 75.5 LRBRL, o Alcalde-Presidente determinará os/as membros da Corporación que realizarán as súas funcións en réxime de adicación exclusiva ou parcial, ocupando as concellarías para as cales o Pleno establece, mediante este acordo, tales adicacións.

7) Publicarse íntegramente no Boletín Oficial da Provincia e fixar no taboleiro de anuncios da Corporación os acordos plenarios referentes a retribucións dos cargos con adicación exclusiva e parcial e réxime de adicación destos últimos, indemnizacións e asistencias, así coma os acordos do Alcalde determinando os/as membros da Corporación misma que realizarán as súas funcións en réxime de adicación exclusiva ou parcial.



### 3.-PROPOSTA DE MODIFICACIÓN DA PLANTILLA E DO ANEXO DE PERSOAL DO ORZAMENTO XERAL DO CONCELLO PARA 2015 (PRORROGADO DE 2014), REFERENTE AO PERSOAL EVENTUAL.

O sr. Besada Pérez explica que esta proposta quedara sobre a mesa no anterior pleno. Dá lectura da seguinte proposta de acordo de data 8 de xullo de 2015:

#### "PROPOSTA DA ALCALDÍA AO PLENO DO CONCELLO

*Asunto: persoal eventual.*

Visto o artigo 12 da Lei 7/2007, de 12 de abril, do Estatuto básico do empregado público (EBEP en adiante), segundo o cal "1. Es personal eventual el que, en virtud de nombramiento y con carácter no permanente, sólo realiza funciones expresamente calificadas como de confianza o asesoramiento especial, siendo retribuido con cargo a los créditos presupuestarios consignados para este fin.

2. Las Leyes de Función Pública que se dicten en desarrollo de este Estatuto determinarán los órganos de gobierno de las Administraciones Públicas que podrán disponer de este tipo de personal. El número máximo se establecerá por los respectivos órganos de gobierno. Este número y las condiciones retributivas serán públicas.

3. El nombramiento y cese serán libres. El cese tendrá lugar, en todo caso, cuando se produzca el de la autoridad a la que se preste la función de confianza o asesoramiento.

4. La condición de personal eventual no podrá constituir mérito para el acceso a la Función Pública o para la promoción interna.

Al personal eventual le será aplicable, en lo que sea adecuado a la naturaleza de su condición, el régimen general de los funcionarios de carrera."



Visto, por outra banda, o artigo 104 da Lei 7/1985, de 2 de abril, reguladora das bases do réxime local (LRBRL), segundo o cal "1. *El número, características y retribuciones del personal eventual será determinado por el Pleno de cada Corporación, al comienzo de su mandato. Estas determinaciones solo podrán modificarse con motivo de la aprobación de los Presupuestos anuales.*

2. *El nombramiento y cese de estos funcionarios es libre y corresponde al Alcalde o al Presidente de la entidad local correspondiente. Cesan automáticamente en todo caso cuando se produzca el cese o expire el mandato de la autoridad a la que presten su función de confianza o asesoramiento.*

3. *Los nombramientos de funcionarios de empleo, el régimen de sus retribuciones y su dedicación se publicarán en el Boletín Oficial de la Provincia y, en su caso, en el propio de la Corporación.*"

Visto o artigo 104 bis da LRBRL que dispón o seguinte:

"1. *Las dotaciones de puestos de trabajo cuya cobertura corresponda a personal eventual en los Ayuntamientos deberán ajustarse a los siguientes límites y normas (...):*

- b) *Los Ayuntamientos de Municipios con población superior a 5.000 y no superior a 10.000 habitantes podrán incluir en sus plantillas puestos de trabajo de personal eventual por un número que no podrá exceder de uno.*

(...)

4. *El personal eventual al que se refieren los apartados anteriores tendrá que asignarse siempre a los servicios generales de las Entidades Locales en cuya plantilla aparezca consignado. Solo excepcionalmente podrán asignarse, con carácter funcional, a otros de los servicios o departamentos de la estructura propia de la Entidad Local, si así lo reflejare expresamente su reglamento orgánico.*

5. *Las Corporaciones locales publicarán semestralmente en su sede electrónica y en el Boletín Oficial de la Provincia o, en su caso, de la Comunidad Autónoma uniprovincial el número de los puestos de trabajo reservados a personal eventual.*

6. *El Presidente de la Entidad Local informará al Pleno con carácter trimestral del cumplimiento de lo previsto en este artículo.*"



Visto, asemade, o artigo 176 do Real Decreto Lexislativo 781/1986, de 18 de abril, polo que se aproba o Texto Refundido de disposicións legais vixentes en materia de réxime local (TRRL en adiante), segundo o cal "

1. *El personal eventual se rige por lo establecido en el artículo 104 de la Ley 7/1985, de 2 de abril.*

2. *Los puestos de trabajo reservados a este tipo de personal deberán figurar en la plantilla de personal de la Corporación.*

3. *Podrán ser desempeñados por personal eventual determinados puestos de trabajo de carácter directivo, incluidos en la relación de puestos de trabajo de la Corporación, de acuerdo con lo que dispongan las normas que dicte el Estado para su confección. En estos supuestos, el personal eventual deberá reunir las condiciones específicas que se exijan a los funcionarios que puedan desempeñar dichos puestos.*

4. *En ningún caso el desempeño de un puesto de trabajo reservado a personal eventual constituirá mérito para el acceso a la función pública o a la promoción interna.*"

Visto, por último, o artigo 250 da Lei 5/1997, de 22 de xullo, de Administración Local de Galicia (LALGA en adiante), que reproduce o indicado nos dous últimos preceptos citados.



Considerando que, o primeiro paso imprescindible para a creación e dotación das prazas indicadas é contemplalas na plantilla do Concello de Salceda de Caselas, como esixen o mencionados artigos 176.2 TRRL e 250.2 LALGA, así coma nos artigos 90.1 par 1º LRBRL, segundo o cal " 1. Corresponde a cada Corporación local aprobar anualmente, a través del Presupuesto, la plantilla, que deberá comprender todos los puestos de trabajo reservados a funcionarios, personal laboral y eventual. (...) " e 126.1 TRRL, segundo o cal " 1. Las plantillas, que deberán comprender todos los puestos de trabajo debidamente clasificados reservados a funcionarios, personal laboral y eventual, se aprobarán anualmente con ocasión de la aprobación del Presupuesto y habrán de responder a los principios enunciados en el artículo 90.1 de la Ley 7/1985, de 2 de abril. A ellas se unirán los antecedentes, estudios y documentos acreditativos de que se ajustan a los mencionados principios."

Considerando que actualmente se atopa en vigor o Orzamento Xeral do Concello de Salceda de Caselas para 2014, prorrogado para 2015, que de acordo co artigo 126.3 TRRL. " La modificación de las plantillas durante la vigencia del Presupuesto requerirá el cumplimiento de los trámites establecidos para la modificación de aquél " (texto tamén reiterado no artigo 232.1 par 3º LALGA) e que, segundo o artigo 21.5 do Real Decreto 500/1990, de 20 de abril, " En tanto no se apruebe el presupuesto definitivo, el prorrogado podrá ser objeto de cualquiera de las modificaciones previstas por la Ley."

Considerando cando antecede **PROPOÑO** ao Pleno do Concello coma órgano competente na materia, previa a súa fiscalización preceptiva pola Intervención do Concello:

1) Modificar as retribucións do seguinte posto de persoal eventual que xa consta na plantilla e no anexo de persoal do Concello do orzamento de 2014, prorrogado para 2015:

-Denominación do posto: Asesor/a da Alcaldía-Presidencia do Concello

Funcións: De confianza e asesoramento especial.

Sistema de provisión: Nomeamento e cesamento libre pola Alcaldía e cesamento automático en todo caso cando se produza o cesamento ou expire o mandato da autoridade á que preste a súa función de confianza ou asesoramento.

Titulación mínima esixida: ESO/graduado escolar.

Réxime de adicación: Xornada completa, en cómputo anual equivalente á dos funcionarios de carreira.

Retribucións: 16.800 euros (total anual bruto) (1.200 euros brutos en 12 pagas mensuais e 2 extraordinarias).

2) SUPRIMIR da plantilla de persoal e do anexo de persoal o seguinte posto de persoal eventual do Concello coas características que se indican a seguir:

-Denominación do posto: Asesor/a da 1ª Tenencia de Alcaldía do Concello

Funcións: De confianza e asesoramento especial.

Sistema de provisión: Nomeamento e cesamento libre pola Alcaldía (a proposta da 1ª Tenencia de Alcaldía) e cesamento automático en todo caso cando se produza o cesamento ou expire o mandato da autoridade á que preste a súa función de confianza ou asesoramento.

Titulación mínima esixida: ESO/graduado escolar.

Réxime de adicación: Média xornada, en cómputo anual equivalente á metade da que corresponde aos funcionarios de carreira.

Retribucións: 14.000 euros (total anual bruto) (1.000 euros brutos en 12 pagas mensuais e 2 extraordinarias).

3) Aprobar inicialmente a modificación da plantilla e do anexo de persoal do Concello incluído no Orzamento Xeral do Concello para 2014, prorrogado no 2015, segundo o indicado nos respectivos anexos que se achegan a esta proposta.





4) Expoñer ao público as modificacións aprobadas inicialmente, previo anuncio no Boletín Oficial da Provincia, por 15 días hábiles, durante os cales os interesados poderán examinalas e presentar reclamacións ante o Pleno. As devanditas modificacións consideraranse definitivamente aprobadas se durante o devandito prazo non se tivesen presentado reclamacións; en caso contrario, o Pleno disporá do prazo dun mes para resolvelas.

5) Unha vez aprobadas definitivamente as modificacións propostas, darase conta, no prazo máximo de 30 días, á Administración do Estado e á Administración da Comunidade Autónoma, procedéndose á súa publicación no Boletín Oficial da Provincia."

O sr. Besada Pérez continúa indicando que con esta proposta redúscense 250 euros, quedando o soldo en 1.200 euros brutos e polo tanto tamén corresponden coa redución que se citaba antes.

O sr. Rodríguez Davila di que quería pedirlle ao Secretario que conste en acta que a votación do sr. Alcalde en voto de calidade non levantou a man e polo tanto non consta a votación por parte do Alcalde. Pídelle á sra. Castiñeira Alén que respete e escoite, que sea educada. Reitera que conste en acta que o sr. Alcalde non levantou a man ratificando o voto de calidade na aprobación.

O sr. González Rodríguez di que si que a levantou e que non ten que constar o que diga el.

O sr. Besada Pérez di que levantou a man nas dúas votacións.

O sr. Rodríguez Davila di que si pero non no voto de calidade como sr. Alcalde. No que se refire á proposta indica que como a Lei I marca para os concellos no tramo que se encontra o de Salceda de facer unha redución de dous cargos de confianza a un, votarán a favor da proposta. Di que o que ri último ri mellor.

A sra. Tourón Domínguez di que o Alcalde terá o seu apoio cando faga as cousas ben pero senón non. Di que se absterán nesta votación porque anque están de acordo con que se cumpra a redución en base á Lei, non o están co amanío de desconto de 100 euros de concelleiros e redución na asesoría para que den as contas, que lle parece un xogo de nenos pequenos. Di que se absterán.

O sr. González Rodríguez di votarán a favor e explica que na proposta se plantea a eliminación do posto de tenencia de Alcaldía e o seu custo, e a redución da retribución da asesoría de Alcaldía.

A sra. Tourón Domínguez di que no informe de Intervención existe un erro porque aparece en ambas como de asesor de tenencia de Alcaldía, que non concorda coa proposta.

O sr. Besada Pérez pide que conste en acta que si que levantou a man nas dúas votacións e non se lle indicou por parte da Secretaría que nese voto de calidade tiña que levantar a man. Di que si fose así como di o sr. Rodríguez Davila en ningún caso se levantou a man nin se propuxo por ningún dos secretarios que estiveron en anteriores lexislaturas. Di que nas dúas votacións levantou a man e que na terceira o Secretario non lle indicou que tiña que levantar a man.

Sometida polo Señor Alcalde a súa proposta a votación, o Pleno do Concello de Salceda de Caselas, en votación ordinaria, por once votos a favor dos/as Señores/as Concelleiros/as dos grupos municipais de MOVEMENTO SALCEDA e PARTIDO POPULAR; e cunha abstención da sra. concelleira do GRUPO MUNICIPAL SOCIALISTA, apróbaa, adoptando os seguintes acordos:

1) Modificar as retribucións do seguinte posto de persoal eventual que xa consta na plantilla e no anexo de persoal do Concello do orzamento de 2014, prorrogado para 2015:

-Denominación do posto: Asesor/a da Alcaldía-Presidencia do Concello  
Funcións: De confianza e asesoramento especial.





Sistema de provisión: Nomeamento e cesamento libre pola Alcaldía e cesamento automático en todo caso cando se produza o cesamento ou expire o mandato da autoridade á que preste a súa función de confianza ou asesoramento.

Titulación mínima esixida: ESO/graduado escolar.

Réxime de adicación: Xornada completa, en cómputo anual equivalente á dos funcionarios de carreira.

Retribucións: 16.800 euros (total anual bruto) (1.200 euros brutos en 12 pagas mensuais e 2 extraordinarias).

2) SUPRIMIR da plantilla de persoal e do anexo de persoal o seguinte posto de persoal eventual do Concello coas características que se indican a seguir:

-Denominación do posto: Asesor/a da 1<sup>a</sup> Tenencia de Alcaldía do Concello

Funcións: De confianza e asesoramento especial.

Sistema de provisión: Nomeamento e cesamento libre pola Alcaldía (a proposta da 1<sup>a</sup> Tenencia de Alcaldía) e cesamento automático en todo caso cando se produza o cesamento ou expire o mandato da autoridade á que preste a súa función de confianza ou asesoramento.

Titulación mínima esixida: ESO/graduado escolar .

Réxime de adicación: Media xornada, en cómputo anual equivalente á metade da que corresponde aos funcionarios de carreira.

Retribucións: 14.000 euros (total anual bruto) (1.000 euros brutos en 12 pagas mensuais e 2 extraordinarias).

3) Aprobar inicialmente a modificación da plantilla e do anexo de persoal do Concello incluido no Orzamento Xeral do Concello para 2014, prorrogado no 2015, segundo o indicado nos respectivos anexos que se achegan a esta proposta.

4) Expoñer ao público as modificacíons aprobadas inicialmente, previo anuncio no Boletín Oficial da Provincia, por 15 días hábiles, durante os cales os interesados poderán examinalas e presentar reclamacións ante o Pleno. As devanditas modificacíons consideraranse definitivamente aprobadas se durante o devandito prazo non se tivesen presentado reclamacións; en caso contrario, o Pleno disporá do prazo dun mes para resolvelas.

5) Unha vez aprobadas definitivamente as modificacíons propostas, darase conta, no prazo máximo de 30 días, á Administración do Estado e á Administración da Comunidade Autónoma, procedéndose á súa publicación no Boletín Oficial da Provincia.

Non habendo máis temas que tratar, ás 22 horas e 25 minutos, o Señor Alcalde levanta a sesión, da que estendo a presente acta (que consta de quince páxinas numeradas do un ao quince, e por min asinadas e seladas co carimbo do Concello, impresas en papel timbrado da Corporación até a súa elevación ao correspondente libro), que asina o Señor Alcalde, do que, coma Secretario do Concello, dou fe.

O ALCALDE

Marcos David Besada Pérez

O SECRETARIO DO CONCELLO

Carlos López Quintáns

